



# Synfocity = 509

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

16<sup>th</sup> October, 2014

## ☐ Kohler Hruaina Eng Quiz

October 14, 2014 zan khan Kohler Hruaina Eng Quiz chu Zosaphluia Hall, Mission Veng-ah tan a ni ta.

Quiz tan hma hian hawna hun hman a ni a, T.Upa Lalrochuanga, Synfo Committee Member-in a kaihrui a, Pu R. Lalnuntluanga, Synfo Coordinator-in quiz buatsaih a nih dan reports a pe a, Synod Moderator Rev. K. Lalhmuchhuakan quiz hawna neiin Pathian hnenah a hlan.

A tan zan hian Leitan Ramthar, Luangmual, Armed Veng, Govt. Complex leh Sihphir Venghlun Branch ten inelna an nei a. Elimination Round hi Thawhlehi zan, Ningani zan leh Zirtawpni Zan apiangin neih thin a ni dawn a, Elimination Round hi October 31, 2014 thleng neih a ni ang. Second Round leh Third Round awm chhoin November 28, 2014 ah Final neih tum a ni.

Zanin (October 16, 2014) hian zan dar 8:00 atangin quiz hi chhonzawm leh tur a ni a, Lily Veng, Kanan, Mission Veng, Ramhlun East leh Venghlui Branch te an inel ang a, dar 9:30 atangin Zemabawk, Tuikual South, Khatla East, Bawngkawn East leh Zuangtui Vengthar Branch te an inel thung ang. Naktuk (October 17, 2014) zanah a hun ngaiah inelna neih leh tur a ni ang a, a hmasa zawkah Zonuam, Ramhlun Vengchung, Sakawrtuichhun, Dinthar, Hmunthar Branch te an inel ang a, a hnuhnung zawkah Chawnpui, Ramthar North, Tuikhuahtlang, Tanhril leh Zemabawk East Branch te an inel ve leh thung ang. Branch telte Elimination Round neih hun tur hi [www.mizoramsynod.org](http://www.mizoramsynod.org) ah a kimchangin en theih a ni.

Kohler Hruaina Eng Quiz hi Synod Information & Publicity Department (Synfo) in Aizawl khawpui Presbytery huam chungna Branch KTP te tan a buatsaih a ni a, Branch 82 an tel a ni. Quiz titha lawmmanah hian pakhatnain Rs. 1,00,000/-, pahnihnain Rs.70,000/- leh pathumnain Rs. 50,000/- an dawng ang.

He quiz atan hian sponsorship zawn niin main sponsor atan Kohler Power Systems hman an ni a, co-sponsor atan E.R. Enterprises, Ramhlun South; Highland Chevrolet, Zemabawk; Computer House & Photo House, Millennium Centre; Electrical Inspectorate, P & E Department, Zuangtui; Zoland Electricals, Chanmari leh Dyna Roof, Guwahati te an ni. Kohler Hruaina Eng Quiz hi show neih apiangin Hruaina Eng Channel-ah Live in pekchhuak thin a ni ang.

## ☐ Zin

- ♦ October 17, 2014 (Zirtawpni) hian Manipur Area Committee, Churachanpur-ah neih a ni dawn a, heta tel tur hian Rev. K. Lalhmuchhuaka, Synod Moderator; Rev. Lalzuithanga, Senior Executive Secretary; Upa H. Zoliana, Synod Secretary (Sr.); Rev. Dr. Lalchhuanliana, Rev. R. Lalnuntluanga, Rev. Lianhmingthanga Sailo, Rev. K. Lalthangmawia leh Upa Lalramthanga te an kal ang a, October 18, 2014 (Inrinni) ah an lo let leh ang.

- ♦ October 14 - 17, 2014 hian Senate of Serampore Executive Committee, Kolkata-a tel turin Rev. Lalramliana Pachau, Executive Secretary a kal.

- ♦ October 16 - 21, 2014 hian Tripura North Presbytery hmanpui turin Rev. P.C. Pachhunga, Executive Secretary a kal.

- ♦ October 15 - 18, 2014 hian Synod Income Tax Return buaipui turin Kolkata-ah Tv. Zaihmingthanga Fanai, Accountant a kal.

## ☐ P.C. Girls' School Day vawi 11-na hmang

Nimin (Oct. 15, 2014) khan P.C. Girls' School chuan School Chapel-ah School Day Vawi 11-na lawmna hun an hmang. School Day lawmnaah hian zirtirtu leh zirlai naupangten items chi hrang hrang hmangin hun an hmang a ni. P.C. Girls' School hi Zosap Missionary ten kum 1903-a an din kha a ni a, tunah hian kum 111-na an hmang mek a ni. Kum 2003 October thla khan kum za (Centenary) a tinna ropui takin an lawm tawh a ni. Kum 2004 atangin October thlaah School Day an hmang tan a, kumin (2014) hi School Day an hman vawi 11-na a ni.

P.C. Girls' School-ah hian Class - A atanga Class - VIII thleng zirna a awm a, section 16 a awm. Kum 2014 hian zirlai 453 leh thawktu 37 an nei mek a ni. He school hian lehkha thiamna mai bakah music te, Pathian thu leh kut themthiamna thil tam tak an zirlaite an chhawm chhuahtir thin a, hei hi an danglamna leh an hlutna a ni.

## ☐ Presbyterian Pastor Nupuite Intawkhawm

Vawiin (Oct. 16, 2014) khan Pi Zaii Hall, Synod Conference Centre-ah Presbyterian Kohhrana Pastor leh Pro. Pastor nupui Intawkhawm vawi 36-na neih a ni a, pastor nupui mi 120 vel an tel thei a ni. Speaker atan Rev. Vanlabela an hmang a, thupuih 'Bang lovin tawngtai rawh u' tih an hmang.

Chawhma hun hi dar 10:00-ah tan a ni a, Pi Lalramengi w/o Rev. K. Lalhmuchhuaka, Synod Moderator in a kaihrui a, Pi Ramfangzauvi w/o Rev. R. Thangvunga, Durtlang in hunserh a hmang a. Synod Compound nu ho Group zai ngaihthlak a ni a, Speaker-in thu a sawi.

Chawhnu lam hun chu dar 1:00-ah tan a ni a, Pi Lalnlanhlupui w/o Rev. P.C. Pachhunga, Executive Secretary in a kaihrui a. Pi C. Lalhmachhuani w/o Rev. C.M. Zalenthanga, Chanmari in hunserh a hmang leh a, Pi Lalrammawii w/o Rev. Zosangliana Fanai, East Lungdar a zai a, speaker thusawi ngaihthlak leh a ni. Tlai lamah chawhlui an kilho nghal a ni.

Presbyterian Kohhran Pastor Nupuite hian kum tin intawkhawmna hun an hmang thin a, mithiamte ruaiin thuchah ngaihthlak bakah thupui thlan bik paper te an zirho thin a, an pasalte rawngbawlina an tawiam theih dan tur leh Kohhran tana Nu nih tling an nih theihna tura theih tawpa hma la tura infuihna hun te hman a ni bawh thin.

## ☐ Kohhran Hmeichhia

October 17 - 19, 2014 hian Chalrang leh Phuldungsei Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Chalrang Kohhranah Pi Rochhungi, Pi Sailuti leh Pi P.C. Nuzawni (Central Committee Members) an kal ang a, Phuldungsei Kohhranah Pi C. Lalrinliani, Pi K. Lalnlangmawii leh Pi K. Vanlallawmi (Central Committee Members) te an kal ang.

## ☐ Synod Social Front

- ♦ Synod Social Front chuan kan rama kutdawh an awm lohna turin hmalakna a kalpui mek a. Kohhran tinah kutdawh survey form a thawnchhuak mek a. Hemi atang hian hmalak zel dan tur an ngaihtuah ang.

- ♦ Synod Social Front chuan krismas leh kumthar dawna thuamhnaw leh bungraw man to uchuak thin tihreh dan kawng zawngin hma a la mek a, krismas leh kumthar dawna thuamhnaw leh bungraw man ti to uchuak thin tihreh a nih theih nan dawrkaite leh mipuite hnenah ngenna a siam a, he ngenna hi pheh hnungah tarlan a ni.

Contd..

- ❑ **Family Guidance & Counselling Centre**  
October 18 & 19, 2014 hian Shillong Mizo Kohhranah Kristian Chhungkaw Seminar & Campaign neih a ni dawn a, hemi neihpui tur hian Rev. R. Lalhmingthanga, FG&CC Director leh Rev. R. Lalengzauva, FG&CC Committee Member te an kal ang.
- ❑ **Music**  
October 14 - 16, 2014 hian Champhai Zote Bial huapin Champhai Zote Kohhranah Conductors' Training neih mek a ni a, hemi neihpui hian Pu Lalromawia, Senior Music Instructor leh Upa Thanghuta, Dam Veng te an kal.
- ❑ **MSSU**  
October 16 - 20, 2014 chhung hian Khawbel leh Hmuntha Kohhranah Sunday School Zitirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa S. Kapzathanga, Armed Veng South (MSSU Trainer) leh Tv. Sangzuala Chhangte, Maubawk (Soloist) te an kal ang.
- ❑ **Campus Ministry**  
October 13 - 18. 2014 hian Hnahlan Presbyterian English School-ah Retreat neih mek a ni a, zan lamah Hnahlan Kohhranah Campaign neih a ni bawk. Hemi neihpui tur hian Rev. Lalchungnunga, Director, Campus Ministry leh Upa Dr. C. Lalremruata, Ramhlun Vengchhak (Campaigner) te an kal.
- ❑ **Kristian Thalai Pawl**
- ◆ Mizoram Synod chuan Falkland rama a hmun lei chu Kristian Thalai Pawl Youth Recreation Centre atan a hlan a. Central KTP chuan hma la zui nghalin a buaipuitu tur bik YRC Sub-Committee a din a. YRC Sub-Committee hian master plan siam turin mithiam an rawn a, an ruahmanna chu November thla CKTP Committee meeting-ah thlir a ni ang. YRC hmun tur digital map siam turin sam fai hmasak a ngai a. CKTP Committee chuan October ni 14 (Thawhlehi) khan a hmun sam fai hnatlang nei turin a bul hnaivai Pastor Bial 5- Armed Veng, Ramthar, Zemabawk, Thuampui leh Bawngkawn te a ngen a, member 200 vel zet an hnatlang. October 23 leh 25 hian Pastor Bial 8 ve ve hnatlang tura koh leh a ni.
- |   |   |
|---|---|
| <p><b>23.10.2014 (Ningani) dar 10:00 A.M.</b></p> <ol style="list-style-type: none"> <li>1) Sihphir Bial</li> <li>2) Sihphir Vengthar Bial</li> <li>3) Leitan Bial</li> <li>4) Chaltlang Bial</li> <li>5) Ramhlun 'N' Bial</li> <li>6) Chhinga Veng Bial</li> <li>7) Mission Veng Bial</li> <li>8) Bungkawn Bial</li> </ol> | <p><b>25.10.2014 (Inrinni) dar 10:00 A.M.</b></p> <ol style="list-style-type: none"> <li>1) Electric Veng Bial</li> <li>2) Ramhlun Bial</li> <li>3) Chanmari Bial</li> <li>4) Durtlang Bial</li> <li>5) Bethlehem Bial</li> <li>6) ITI Bial</li> <li>7) Dawrpui Bial</li> <li>8) Khatla Bial</li> </ol> |
|---|---|
- REFRESHMENTS IN CHARGE :**
- 1) Ni 23.10.2014-ah Tuikual Branch
  - 2) Ni 25.10.2014-ah Dinthar Branch
- ◆ October 17-19, 2014 hian Kolasib Diakkawn Kohhranah Presbyterian Youth Fellowship (PYF) programme Youth Camp 2014 chu neih a ni dawn a, Presbyterian Church of India chhunga unit hrang hrang ten palai an rawn tir ang. Mizoram unit atanga palai turte chu October 17 (Zirtawpni) dar 10:00 am-ah Synod Office atanga chhuah tur a ni ang. Aizawl khaw pawn, Kolasib tlangdunga awmte tan kawng lakah a lo chan theih ang.
  - ◆ KTP General Conference thurel - Thalai zawkte hipkhawm thei programme CKTP-in buatsaih rawh se, tih bawhzuina PRAISE '14 chu December 5, 2014 hian Rajiv Gandhi Stadium, Mualpui-ah buatsaih a ni dawn a. Pathian thuchah ngaihthlak a ni ang a, zaithiam hrang hrangte zai ngaihthlak tur a awm bawk ang. Hemi atan hian inbuatsaihna a kal mek a, artistes leh musician-te pawhin Kohhran hrang hrang hall-ah hla an zir tan ta. CKTP chuan thalai member a tam thei ang ber Praise '14-a kal tur hian a beisei a, Branch leh Bial tinah hriattirna lehkha thawn chhuah mek a ni.
- ❑ **Prescom Annual Meeting**  
October 17, 2014 (Zirtawpni) hian PRESCOM Staff Welfare-ten kum tina an tih thin angin Annual Meeting an hmang dawn a, hemi ni hian Synod Press leh Aizawl khawpui chhunga Synod Bookroom-te dawr theih an ni lo ang.
- ❑ **Hruaina Eng FM Radio & TV Programme**
- ◆ **OCTOBER 17 (FM Zoawi Aizawl @ 7:30 p.m.) : Kristian Hlabu nginat Zan**  
**Zaipawl :** Dawrpui Bial Zaipawl - Ka Lalpa duh tak, min awmpui ang che KHB 265 (*Pawlina leh Sawmna*), **Solo :** Laldusaki - Aw Lal Pathian, I kutchhuak thil siam tinreng KHB 18 (*Lalzia leh Ropuizia*), **Thusawi :** Tv. H. Lalthazuala - Zaipawl tha neihdan, **Zaipawl :** Leitan Pavalai Zaipawl - Chhandamtu aw mawi tak chu kan hria ang KHB 243 (*Lo kal lehna*), **Band :** Ruatdiki - Enna nunnem, thimin ka vel a bawm KHB 155 thluk 1-na (*Vengtu leh Hruaitu*), **Zaipawl :** Zemabawk Bial Zaipawl - Kan khawvel ni a kin hunah KHB 465 (*Thihna leh nakin hun*)
  - ◆ **OCTOBER 17 (FM Lunglei @ 7:30 p.m.) : Kristian Hlabu nginat Zan**  
**Zaipawl :** Dawrpui Bial Zaipawl - Ka Lalpa duh tak, min awmpui ang che KHB 265 (*Pawlina leh Sawmna*), **Solo :** Laldusaki - Aw Lal Pathian, I kutchhuak thil siam tinreng KHB 18 (*Lalzia leh Ropuizia*), **Thusawi :** Tv. H. Lalthazuala - Zaipawl tha neihdan, **Zaipawl :** Leitan Pavalai Zaipawl - Chhandamtu aw mawi tak chu kan hria ang KHB 243 (*Lo kal lehna*), **Band :** Ruatdiki - Enna nunnem, thimin ka vel a bawm KHB 155 thluk 1-na (*Vengtu leh Hruaitu*), **Zaipawl :** Zemabawk Bial Zaipawl - Kan khawvel ni a kin hunah KHB 465 (*Thihna leh nakin hun*)
  - ◆ **OCTOBER 19 (TV Programme @ 3:00 p.m.) :**  
**Zaipawl :** Mizo Cardinal Choir - Lalpa Hming Ropui, **Sermon :** Rev. Vanlazuata - Kohhran leh a zirtirna, **Solo :** Bronson Lalfakawma - Amen rem se, **Faklam Intihiak :** Zan II-na
- ❑ **Susamachar Prasaran Programme**  
**OCTOBER 19 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Chawlhmun Masihi Sangati - Daya Ka Sagar, **Group/Choir/Solo :** Luangmual Vengthlang - Shristi, **Sermon :** Zohmingthanga - Yeshu Me Changgai, **Group/Choir/Solo :** Chhinga Vengthlang - Suno sathi bhai, **Group/Choir/Solo :** Sihphir Masihi Sangati - Halleluiah stuti gayen ham
- ❑ **Moderator Programme**  
Synod Moderator Rev. K. Lalmuchhuaka chuan tunkar tawpah hetiang hian Kohhran hrang hrang a tlawh ang :
- |                              |         |                     |
|------------------------------|---------|---------------------|
| October 19, 2014 (Pathianni) | Chawhma | Kelsih Kohhran      |
| October 19, 2014 (Pathianni) | Chawhnu | Melriat Kohhran     |
| October 19, 2014 (Pathianni) | Zan     | Hualngohmun Kohhran |

## NEICC PUAL TAWNGTAI THUPUI

A hun : October 19, 2014

1. Kohhrante leh Kristiante thawhhona tur NEICC min pek avangin Pathian hnenah lawmthu sawi ila.
2. Hima Mylliem Lal Syiem-in UCC atan Acre 300 lai mai ram min pek avangin lawmthu sawi ila.
3. Pathiam Ram zau nana Hmarchhaka Kohhran hote kan inpumkhat theih nan tawngtai ila.
4. Heng mi NEICC hruiatu (Office Bearers) te tan tawngtai il :
  - 1) President : Rev. Zosangliana Colney
  - 2) Vice President : Rev. W.C. Khongwir leh Rev. Dr. Solomon Rongpi
  - 3) Fulltime Secretary : Rev. Lalnunzira
  - 4) Treasurer : Upa K. Lyngkhoi
5. NEICC Office staff te, NEICC Youth Assembly leh Women Assembly Office Bearers te tan, thu khat vuaa an thawhho zel theih nan i tawngtai ang u.

## KRISMAS LEH KUMTHAR DAWNA THUAMHNAW LEH BUNGRUAW MAN TI TO UCHUAK LO TURA NGENNA

Synod Social Front chuan a hnuacia tarlan ang hian krismas leh kumthar dawn hnaiha thuamhnaw leh bungruaw man to uchuak thin fihreh a nih theih nan dawrkaite leh mipuite hnenah ngenna a siam a ni :

1. Dawrkaite hi mipuite tana thuamhnaw leh bungrua chhawp hnaih saka an mamawh puhrutute an ni a. Mipui vangin hlawkna an tel a, dawrkaite avangin mipuiin awlsam zawkin thuamhnaw leh bungruate an neih theih phah thung. Chuvangin, dawrkaite hi mipui rawngbawltu mi pawimawhte an ni a, mipuite pawh dawrkaite tana mi pawimawh an ni bawh.

2. Zirchianna atang chuan dawrkaite hian krismas dawn hnaiha Mizote thuamhnaw duh zawng (fashion & design) an hriat tlai thin vangin hmanhmawh taka zawrh tur thil lam khawm a ngai a, a phurh man a lo to phah nge nge thin a. Chuvang chuan an thil zawrh man rate an tihsan phah nia sawi a ni.

3. A tlangpui thuin Mizote hian krismas leh kumthar dawn hnaiha thuamhnaw leh bungruaw mamawhte kan lam khawm thin a. He hunpui hre ran hian dawrkaite pawhin thuamhnaw leh bungruate an la uar lo thei lo hi an tih awm tak a ni.

4. Hmun tin atangin krismas leh kumthar dawn hnaiha sum neih zawng zawng pawh pai chhuak hreh hlei thei lovin mipuiin bazar hmun an pan thin a. Dawrtu an thathnem dawn avanga a man ti to kher lo hian hlawkna tham a awm theih tho chuan dawrkaite hian an rate tisang uchuak kher lo se thil duhawm tak a ni ngei ang.

5. Mi tu pawhin hlawkna tel lovin dawr an kai ngai lo. Nimahsela, chin tawh hre turin dawrkai zawng zawngte kan ngen a. Krismas leh kumthar dawn hnaiha chin lem nei lova dawrtute laka rate lo tih san chu a kristian zia lo a ni.

Hetiang a nih avang hian Synod Social Front chuan kan rama sumdawng zawng zawngte, a bikin krismas leh kumthar dawn hnaiha an thil zawrhna rate tisang uchuak lo turin kan ngen a. Krismas leh kumthar pualin mipuite tan thil zawrh rate fihhniam theih ni hlahz zawk se a ropui hle awm e.

Kristiante chuan, "**miin in chungah an tih in duh tur ang zelin mi chungah pawh ti ve rawh u**" tih thu Lal Isua min zirfina hi a taka hman ni se a lawmawm hle ang.

- Issued by the Mizoram Presbyterian Church Synod Social Front -

## MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form hi Rs. 50/- in office hun chhungin MTC Office atangin lak chhuah theih a ni e.

- ☞ Dil thei chin : Class - XII pass chin/Class - X pass kum 2 tal zirna lamah leh rawngbawlna lama experience nei.
- ☞ Dil theih ni hnuhnung : January 31, 2015
- ☞ Written Test : March 3, 2015
- ☞ Interview : March 5, 2015

Principal  
Missionary Training College  
Mission Vengthlang  
Ph No. 2310157/2301337/09612564113

## HRIATTIRNA

Nilai leh Beihruai Thupui Bu 2015 chu peih a ni tawh a, Kohhran Secretary ten Synod Office Mamawh lamna-ah ngaihven theih a ni leh ta e.

UID & Zu chungchang booklet chu a duh tan Director, Revival Department, Synod Office-ah a thlawnin lam theih a ni bawh.

## PRESBYTERIAN YOUTH FELLOWSHIP YOUTH CAMP, 2014

**Host : CKTP**

**Venue : Diakkawn Presbyterian Church, Kolasib**

**Date : October 17 - 19, 2014**

**Theme : Christian Youth and Globalization**

<b>17.10.'14 (Friday)</b> <b>6 : 30 PM</b> ( 6:00 – 6:30 PM)	<b>: Arrival of delegates</b> <b>: Inaugural Service</b> (Songs of praises to be led by Local church)	<b>19.10.'14 (SUNDAY)</b> <b>7 : 00 – 8 : 00 AM</b> Leader	<b>: Morning Devotion</b> : Revd. B. Sohlang, CCM
Chairman	: Revd. J.F. Lalropuia, Leader	<b>10 : 30 AM</b> <b>(10:00 – 10:30 Am)</b>	<b>: Public Worship Service</b> (Songs of praises to be led by Local church)
Bible Reading & Prayer	: KVP (Biateram Synod)	Chairman	: Rev. G.S. Lyttan, Administrative Secretary i/c PYF
Welcome Address	: Host Church / Unit	Bible Reading & Prayer	: PYF, CHT Synod
Key note Address	: Pro.Pastor D.F. Dkhar	Offering Collection	:
Choirs	: (1) KTP, Mizoram (2) JS KJPS Sepngi (3) PYF, CHT Synod	Speaker	: Revd. V.L. Luaia Hranleh, Administrative Secretary, PCI
<b>18.10.'14 (Saturday)</b> <b>7:00 – 8:00 AM</b>	<b>: Morning Devotion</b> Leader	Choirs	: (1) JS KJPS Sepngi (2) JS KJPS Mihngi (3) KTP, Mizoram (4) PYF, CHT Synod
	: Revd. Bidonbok Syiem, (KJPS Sepngi)	<b>1 : 30 PM</b> <b>(1:00 – 1:30 Pm)</b>	<b>: Public Worship Service</b> (Songs of praises to be led by Local Church)
<b>10 : 30 – 11: 30 AM</b>	<b>: Paper Presentation</b> Chairman	Chairman	: Mr. Lalduhawma, CCM
	: Rev. J.F. Lalropuia, Leader	Bible Reading & Prayer	: Meitei Presbyterian Naharup, MPSGAAU
Bible Reading & Prayer	: RPYF, Ri Bhoi Synod	Offering Collection	:
Resource Person	: Revd. Dr. K.Lallawmzuala, Associate Prof., ATC	Speaker	: Revd. B.B. Markhap, Treasurer
Theme	: <b>Christian Youth and Globalization</b>	Choirs	: (1) KVP, Biateram Synod (2) PYF, Ri Bhoi Synod (3) KTP, Mizoram Synod (4) MPYF, Manipur Synod
11 : 30 – 11: 45 AM	: Tea Breack	<b>6 : 30 PM</b> <b>(6:00 – 6:30 Pm)</b>	<b>: Public Worship Service</b> (Songs of praises to be led by Local Church)
11: 45Am - 12 : 45 PM:	Group Discussion on the paper	Chairman	: Pro. Pastor D.F. Dkhar, Asst. Leader
Moderator	: Rev. J.F. Lalropuia, Leader	Announcement	: Host Church/PYF
<b>1 : 00 PM</b>	<b>: Cultural Programme/Social Work</b> Hosts	Bible Reading & Prayer	: PYF, KAGAAA
	: JS KJP Synod Sepngi	Offering Collection	:
3 : 00 PM	: Free time/ Sight Seeing	Speaker	: Revd. J. F. Lalropuia, Leader.
<b>6 : 30 PM</b> <b>( 6 : 00 – 6:30)</b>	<b>: Public Worship Service</b> (Songs of praises to be led by Local church)	<b>7 : 30 PM</b> <b>8 : 00 PM</b>	<b>: Singing Festival</b> Hosts
Chairman	: Pro. Pastor Mihiukam Newme, Asst. Secretary		: Mrs. Samaria Pathaw, CCM : Mrs. Eliana Ngamlai
Bible Reading & Prayer	: MPYF (Manipur Synod)		
Offering Collection	:		
Speaker	: Revd. Premingson Millick, KAGAAA		
Choirs	: (1) PYF, Ri Bhoi Synod (2) KVP, Biateram Synod (3) JS KJPS Mihngi (4) ZPYF, Zou Synod		
8 : 00 PM onwards	: Variety Programme		
Hosts	: CKTP, Mizoram Presbyterian Church		

### ADVERTISEMENT

Synod Mission Board (Mizoram Presbyterian Church) chuan kum 2015 chung Contract basis-a thawk turin Missionary, category hrang hrang a la dawn a, dil duh tan dil theih a ni.

Dil duh chuan a hnuai tarlante hi hriat tur a ni :

1. Synod Mission Board Office, Mission Veng, Aizawl atangin dilna form siam sa (standard application form) lak tur a ni a, hriat tur tulte chu dilna form-ah tarlan a ni.
2. Dilna chu October 21, 2014 (Thawhlejni) tlai dar 4:00 thlengin Synod Mission Board Office-ah thehluh tur a ni a; hun tiam hnu lama dilna thehluh chu pawm a ni lo vang.
3. October 25, 2014 (Inrinni) dar 7:00 a.m atangin Synod Office-ah personal interview neih tur a ni.
4. Mathematics leh Science thiamte chu mamawh bikna avangin Evangelist Teacher atan duhsak theih an ni ang.
5. Hlawh chu Synod hnuai Contract rawihna rate angin pek a ni ang.
6. Hrechiang duh chuan phone no. 0389-2325899-ah Office hun chungin zawhfiah theih a ni.

**REV. LALCHHUANMAWIA**  
**Secretary**

**Synod Mission Board, Synod Office, Aizawl**

### CAMPUS MINISTRY COUNSELLING

Campus Ministry chuan Counselling Centre a nei thar tawh a, heng number-ah te hian biak/rawn theih reng an ni e. **9856883377, 8974246641**